

ALL NATIONS GOSPEL PUBLISHERS



www.angp-hb.co.za



info@angp.co.za

CREOLE (Mauritius) Heart Book

LE COEUR DIMOUNE **(Le Coeur de L'homme)**

Copyright ANGP

COPYRIGHT
ISBN 0 - 908367 - 82 - 1

E-MAIL: info@angp.co.za

ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.
(Une Mission de Littérature évangélique financée de dons)
(Reg. No. 1961/001798/08)

LE COEUR DIMOUNE, LI ENE TEMPLE BON DIEU OU SOIT L'ATELIER SATAN (1 Jean 3:4-10)

Sa li pas ene nuvo livre. Li ti parette en France, ena plis ki 200 bananés, et sa ti ene grand benediction pou banne milliers dimounes. Li ene la glace spirituel cotte tous dimoune capave guette zotte l'état spirituel couma Bon Dieu li meme li trouvé. Dans sa livre la boucou reconette zotte propre le coeur pécheur, et par répentance zotte gagne ene nuvo le coeur et ene nuvo l'esprit.

Ou pou remarqué quand ou lire sa livre la, ki dans sa la glace la ou capave trouve ou propre visage. Qui ou ene païen, chrétien, incrédule ou soit rênégat, ou pou trouve ou zimage couma Bon Dieu trouve li. Pou Bon Dieu pena exception pou personne li guette le coeur dimoune-li.

Satan li papa mensonge, le prince ténèbres et li Bon-Dieu sa le monde la. Li déguise li en ange la lumière mais li pas plis ki ene ange la lumière couma boucou encore croire, et zotte content pou représente li alors ki li mette li dans ene joli zimage pou montre qui li coume sa. Azordi-jour nous ena boucou fausse apôtres pou Christ. Et sa li pas etonnant parceque Satan li meme li deguise li en ange la lumière (2 Cor. 11:13,14) Satan qui Bon-Dieu sa siècle-la li aveuglé lizié ek l'intelligence dimoune pour qui zotte pas trouve grandeur L'Evangile brillé par la gloire Christ (2 Cor:4,4). Tous banne pécheurs et banne incrédules fine mort et fine vine aveugle devant Bon-Dieu par déroulement sa le monde-la, par prince qui ena puissance dans l'air, et par l'esprit qui agir par banne garçons sa rebellion-la aster-la (Eph. 2:1,2). A moins qui zotte lizié pas ouvert dans sa L'état perdition-la, zotte pou alle droite vers destruction eternelle. Celui qui dire li sans péché li pe trompe li meme.

L'étant ou pe lire sa banne page-la, et ler ou etidier banne zimages la dans la, ou capave trouve ou propre le coeur. Na pas empeche sa projecteur Bon-Dieu la montre ou vraie l'état ou le coeur! Reconette ou péchés, et pas dementi zotte parcequi Parole

Bon-Dieu dire nous qui “Si nous dire qui nous pas fine faire péché, nous enbete nous meme et la vérité pas dans nous,” “Si nous confesse nous banne péchés, Li fidèle et juste pour qui nous pardonne zotte et pour nous purifié nous de tout iniquité.” (1 Jean 1:8-10). “Di sang Jésus Christ, Garçon Bon-Dieu, pou purifié nous de nous péché,” (1 Jean 1:7). Qui ou obeir Satan, qui ou obéir Bon-Dieu; soit ou esclave péché ou soit serviteur Bon-Dieu. Si péché pé dirige ou la vie, pas dementi li; crié Bon-Dieu qui pou libère ou par Jésus Christ, qui fine vine dans sa lemonde la pour sauve tous banne pécheurs et pou casse sa puissance qui Satan ena lor nous par banne péchés. Li nous Redemption. Ou dans presence ene Bon-Dieu Saint qui trouve tous banne secrets, banne pensées et banne actions privé dans ou la vie. Li impossible pou ou cassiette divant Bon-Dieu, ni cassiette li ou actions, parce-qui celui qui fine crée zoreille est-ce qui li pas pou tendé? Celui qui fine forme ene lizié est-ce qui li pas pou trouvé?

“Car l’Eternel pou talle so regard lor la terre partout pou li soutenir tous banne qui fine donne zotte le coeur entier pou li”. (2 chron. 16:9).


“Car Bon Dieu trouve tous nous conduite. Li zette so regard lor banne pas chaque donoune. Pas pou ena ni ténèbres ni l’ombrage la mort qui pou cassiette banne qui commette l’iniquité.” Job 34:21, 22).

“Mais Jésus na pas ti fié lor zotte, parce-qui li conne tous.” (Jean 2:24).

Donc: “Heureux celui qui fine gagne la transgression, et qui so péché fine pardonné! Heureux dimoune qui L’Eternel pas considère so iniquité, et qui dans so L’Esprit li pena ditout fraude! (Ps. 32:1,2) (Lire Psaume 51 aussi). Jésus pe apelle nous encore azordi: “Vine cotte moi, zotte tou qui fine fatigués et chargés, et mo pou donne zotte repos.” (Matthieu 11:28-30)

Explication banne Tableaux

PREMIER TABLEAU



LE COEUR EN PECHEUR

Sa zimage la li monté le coeur ene femme, ou soit ene zomme, qui dans sa le monde-la, ce qui la Bible appelle ene pécheur, veut-dire qui dirigé par L'esprit sa le monde-la et par désirs et banne passions la chair. Sa li vraie zimage le coeur couma Bon-Dieu trouve-li. Banne lizié rouge et chassieux qui montré L'ivrognerie couma li

dire dans Proverbes 23:29-33 “Pour qui sanna-la banne AH? Pour qui sanna-la banne hélas? Pour qui sanna-la banne blessures sans raison? Pour qui sanna-la banne lizié rouges? Pour banne qui passe tous zotte le temps are du vin. Pour banne qui alle fabrique du vin. Na pa guette du vin qui parette joli, bien rouge, qui résemblé banne perles dans verre, et coule avec L’aise. Li fini toujours par mordé couma ene serpent, et piquer couma ene basilic. To lizié pou porte lors banne étrangères et to le coeur pou cause ene maniere bizard.”

En-bas sa la tête dans zimage-la, ou pou trouve le coeur ene humain dans laquelle ena différent zanimaux qui représente banne quantité péchés qui zotte contenir parce-qui le coeur li meme la cage et place cotte nous péchés trouvé. Par la bouche prophète Jérémie, Bon-Dieu dire nous, “Le Coeur li tortueux premièrement, et li mauvais: qui sanna-la capave reconette li?” (Jérémie 17:9). Jésus li-même confirme sa, li dire: “Car c’est la dans meme, qui dans le coeur banne dimoune qui banne fraude, dérèglement, regard envieux, calomnie, L’orgueil, et la folie sorti. Tous sa banne mauvais quit-choses-la sorti la dans même et sal banne dimoune”. (Marc. 7:21,23)

1. PAON.— Alors qui chacaine admire beauté ene paon, ici, dans le coeur humain li représente péché L’orgueil. Lucifer, Chérubin protecteur qui ti porte-lumière Bon Dieu, qui ti ene ange Bon Dieu, fine tombé par L’orgueil et fine vine L’ennemi Bon Dieu: LE DIABLE (Esaie 14:9-17) (Ezechiel 28:12-17)

L’orgueil li vine jusqu’à dans l’enfer et parette par boucou aspects: boucou ena L’orgueil par zotte richesses, par zotte niveau l’éducation, Ou soit par zotte toilettes à la mode par qui zotte expose zotte le corps sans aucaine pudeur. Les zottes mette zotte dans zotte rang parce-qui zotte mette banne bijoux de valeur qui briller, tel qui bracelets, bagues etc... pareille couma fine cité dans Esaie 3:17-24. Les zotte encore zotte faire gloire de zotte banne encêtres de zotte nationalité, de zotte culture, sport, et zotte blié qui “Bon Dieu li résisté contre banne qui ena l’orgueil, mais li faire grâce banne qui humble.” (1 Pierre 5:5). Bon Dieu li haïr l’orgueil et l’arrogance (Proverbes 8:13) “L’arrogance li suivit par la ruine, et l’orgueil li suivit par la chute (Proverbes 16:18).

2. BOUC.— Li ene zanimaux puante, rempli ek convoitises. Li représente ici banne convoitises charnelles, immoralité, fornication et adultère. Sa banne péchés la augmenté dans le temps modernes, veut dire dans sa banne derniers temps, qui nous tous bizin prend conscience la vérité banne parole qui Jésus fine prédire à peu près deux mille ans, qui dans derniers temps li pou couma les temps Sodome et Gomorrhe.

Sa “l’esprit moderne” là li pas affecté zis banne zommes ek femmes mais li pénétré dans foyé banne dimoune religieux, dans banne institutions dans banne l’écoles, et mêmes banne pensions pou étudiant; non, sa banne sémence corruption-là, fine sémé dans ene facon éhonté et diabolique dans le coeur humain à travers cinéma, théâtre, littérature malsaine, et par boucou les zotte simé. Ce qui Bon Dieu appelle péché li simplement appelle “moralité modern” aussi Boucou millions jeunes zotte inspire zotte la vie par banne romans qui zotte lire, banne films qui zotte guetté et zotte fini par la honte et repentir. Banne actrices ek acteurs zotte amene banne la vie immorale, voire dissolue, et zotte vinne banne héros et héroïnes pou banne jeunes génération. Banne la salle de danse aussi zotte banne lieux d’immoralité. Banne héros de pureté, couma Bon Dieu montré nous, né pli servi nous comme exemple (Joseph: Genese 39 et les zottes). Même ene vieux ek grossier païen zoulou, qui pas hésité pou mettre à mort banne qui comette adultère, zotte ti capave pourtant enseigne quit chose qui soit disant nou dire civilisé, et accuse nous le jour du jugement. Bon Dieu pas dire nous jouer avec l’impudicité, mais fuir de sa — “Ou pas conné qui celui qui attache li au Seigneur li avec li ene seul Esprit? Fuir de l’impudicité. N’importe qui l’autrepéché qui ene dimoune comette, sa péché là li en dehors so le corps, mais celui qui livré li dans l’impudicité li péché contre so propre le corps. Est-ce qui ou pas conné qui ou le corps li ene “Temple du St. Esprit, qui li dans ou qui ou fine recevoir avec Bon Dieu et qui ou, ou pas appartenir à où-même? (1 Cor. 6:18-19) “Si quiquaine détruire le temple Bon Dieu, Bon Dieu pou détruire li; car temple Bon Dieu li saint et li ce qui ou était.” (1 Cor. 3:17)

3. PORC.— Li personifié banne péché d’ivrognerie, et gloutonnerie. Li ene zanimaux sal, qui dévore tous ce qui li trouvé lor so

simé, qui li propre sou sal, Pareille le coeur faire li absorbe tous banne suggestion, tous banne expression et tous banne tableaux "malpropres". Le corps humain qui fine destiné pou vine ene temple Bon Dieu vivant li sali par banne nourriture malpropre, banne mauvais l'habitude, tel qui fumer ou chique tabac, drogué par l'opium, gandia, et les autres quit chose nocif. L'habitude fume tabac fine vine simple pou zommes ek femmes couma jamais li ti été avant. Puissance Bon Dieu tout seul capave libère banne victime tabac et esclave Diable. Alors banne dimoune religieux pas pou oser jamais pou fumer dans ene l'église, ce qui zotte conne li ene sacrilège, et zotte pas salir zotte le corps avec sa, parce-qui zotte conné vraiment zotte ene temple Bon Dieu — "Ou pas conne qui ou le corps li ene temple Saint-Esprit..... et si quicaine salir so le corps, Bon Dieu pou détruire li?" (1 Cor. 3:16-17; 4:18-19)

Ene dimoune gloutonne li pareille en abomination avec Bon Dieu. Nous manger pour vivre; nous pas vivre pou manger. Ene dimoune faim capave rassasié li quand li mange nourriture propre, mais so désire immodéré pou crié toujours "Donné, Donné!" ou soit "Encore, Encore!"

Ene convoitise pas pou jamais satisfait, jamais rassasié. Selon L'Ancien Testament ene glouton et ivrogne bizin lapidé à mort. (Deut. 21:18-21) "Car ene ivrogne ek celui qui livré li à des excès, pou vine pli pauvre, et l'assoupissement faire porte banne haillons.. Celui qui frequente banne débauches faire so papa honté." (Prov. 23:21; 28:7) Rappelle-bien qui quand ene dimoune riche, ene glouton, ene esclave de so convoitise li mort so lizié lève jusqu'à dans fond l'enfer, et li tourmenté horriblement. Li pas nécessaires pou nou cause lor mal qui sorti de l'ivrognerie. Li trop réel pou nou cause lor la légèrement. Bon Dieu dire nous sa clairement qui ene ivrogne pas pou hérite le Royaume. Banne qui prépare banne la boisson for oussi pou coupable et pareille pou banne qui vende sa, car Bon Dieu dire, "Malheur à banne dimoune qui ena courage pour boire du vin et qui fabrique la boisson fort (Esaie 5:22) Malheur à banne qui faire zotte camarade boire, et à toi qui verse to outre et qui énié li (Hab. 2:15). "Ene harpe, et ene luth, ene tambour ou la flute, et de vin pou anime banne festins, mais zotte pas

prends ditout conte travail Bon Dieu.” (Esaie 5:12)”, Na pas trompe ou: Ni banne idolâtre, ni banne adultères, ni banne é-feminés, ni banne voleurs, ni banne cupides, ni banne ivrognes, ni banne outrageux, ni banne ravisseurs pas pou hérite Royaume Bon Dieu,” (1 Cor. 6:10). Banne péchés nous nature tэрrestre zotte manifesté selon. Galates 5:19-20. Or banne oeuvres la chair zotte manifesté couma banne impudicité, impureté, dissolution, idolâtrie, magie, inimité, la geurre jalousie, animosités, disputes, divisions, sectes, envie, ivrognerie, banne excès de table et les zotte banne quit chose parreille. Banne qui faire banne choses coume-ca, pas pou hérite Royaume Bon-Dieu”. “Na pas énivré ou par du vin; sa li ene débauche. Au contraire rempli ou avec L’Esprit.” (Eph. 5:18)

Sa li ene invitation qui Jésus fine offert à banne qui fine soif: “Si quicaine fine soif, qui li vine are moi et li boire” — “Zotte tou qui soif, vine cotte di l’eau même banne qui pas ena l’argent! Vini, acheté du vin ek du lait, sans l’argent, sans ou paie ene sous!” (Esaie 55:1)” Celui qui boire di l’eau qui mo pou donne li pas pou gagne soif jamais, et di l’eau qui mo pou donne li la pou vine ene la source dans li, et qui pou coule jusqu’a la vie éternelle.” (Jean 4:14)

4. TORTUE.— Li carastérise la paresse etli laisse tous travail zordi pour demain, et la sorcellerie (magic). Tous incréduilité li ene péché de la sorcellerie. “Banne désir ene dimoune paresse pou tuer li, parcequi so la main refuse travail. Tous les jours li éprouve banne désirs (Proverbes 21:25-26) — Jésus ti dire banne zenfants Israël. “Pas bizin vine paresse pou entre en possession ca pays là...” la nature humain li bien indolente pour nous joine banne quit chose, Bon Dieu. Jésus fine dire: “Force ou pou rentre par la porte étroite”. (Luc 13:24) — “Se qui chercher li trouvé.” “Royaume des cieux li forcé, et banne qui violent qui pas gagne li” (Matthieu 11:12)

La paresse li ene qui chose qui touche ou salut et bien-être spirituel, ou l’ame et li amène ou vers la perdition. Sa li empêche ou prier pou recherche, banne quit chose profonde nou Bon Dieu, et pou possède banne promesse pli riche Bon Dieu: Li amène à la

destruction. Quand Bon Dieu cause are toi, li dire toi pressé pou donne li to le coeur azordi-même, Diable li dire toi laisse sa pou demain ou soit ene lotte jour-pli approprié, qui surement pas pou vine jamais. Et après to mort sans ki to sauvé, sans Christ. Bon Dieu dire, “Azordi si ou tende so la voix, pas endurcis ou le coeur; (Hebreux 3:7-8) Comien banne dimoune fine fini périt par envoye zotte décision pou ene lotte jour propice qui pas fine vine jamais. Dimain pas appartenir a toi.

Banne indigènes dans l’Afrique du Sud zotte servi bien souvent carapace tortue pou exerce la sorcellerie. Dans nous tableau li indique péché sorcellerie, qui li à la fois dans la magie, ou soit le fait pratique li ou dire banne joli zistoire... au lieu confié à Bon Dieu vivant. Surtout dans periode maladie et banne épreuves adversité, ou dépouillement. La Parole dire nous crié Bon Dieu vivant, qui toujours prêt pou aide nous, et pas bizin nou confié nous tente ene chance qui li bon ou soit mauvais. “Car pas ene dimoune intègre li ordonnés par Bon Dieu.” (Ps. 37:23). L’Eternel Bon Dieu li affermit pas ene dimoune et li prend plaisir so voie; si li tombé li pas pou terrassé.... “Car ni li depuis L’Orient, ni occident, ni désert, qui élévation vini. Mais Bon Dieu li même li juger, li abaisse ene li lève lotte.” (Ps. 75:7-8). Bon Dieu fine donne banne l’ordre précis pou so banne zenfants dans Israël, dans sa banne mots la: “Mo pas oulé trouve cotte toi personne qui faire so garcon ou so ti fille passe par du feu, personne qui exerce ene métier devin, astrologue, augure, magicien, enchanteur, personne qui consulté banne qui évoque banne esprits ou soit dire banne joli zistoire, personne qui questionne banne morts. Car n’importe qui faire sa li en abomination avec Bon Dieu.” (Deut. 18:10-12) “Dehors banne li chiens banne enchanteurs, banne impudiques, banne criminels, banne idolâtres, et n’importe qui content et qui pratique mensongerie.” (Apoc. 22:15) “Na pas tourne toi ditout vers banne qui évoque banne l’esprits, ni vers banne devins, ni banne qui pas recherche ditout de peur qui ou pas sali avec zotte. Moi mo l’Eternel, to Bon Dieu.” (Lev. 19:31) “Si quicaine dire ou consulté banne qui evoque banne morts ou qui prédire l’avenir, qui pousse banne sifflements et banne soupirs, répond zotte. Est-ce que ene peuple pas bizin consulté so Bon Dieu? Est-ce que li address banne morts en faveurs

banne vivant? Par la loi et par temoignage! Si zotte pas cause coume sa, pas pou ena ditout d'aurore pou le peuple, Si zotte pas cause d'après sa parole la, pas pou ena la lumière pou zotte" (Esaie 8:19-20).

Pendant qui to pélire sa p'tit livre-là, Bon Dieu pé cause toi et pé exhorte toi à la répentance et à l'abondance to la vie, mais l'esprit tortue qui dans to le coeur suggère banne divers manières pou renvoye to décision et force li rempli to coeur avec crainte. "Qui mo banne proche, banne camarade, le monde pou dire si mo converti? Qui pou arrivé si mo né pli pou capave alle dans bal et prends part dans banne divertissement du monde?" Au lieu alle guette banne richesses, insondables qui ena en Jésus, so la paix merveilleux, so la joie ineffable, so gloire, la vie éternelle, remplie ek félicité, to trouve jis banne quitchose qui to bizin quitter allé ene jour, et qui to bizin rénoncé quand to permette Jésus Christ vine dans to le coeur, alors qui la crainte banne dimoune, et aussi qui la crainte la mort faire toi vine ene esclave Satan.... afin qui li fine délivré tous ce qui par la crainte la mort, qui ti retenir tous zotte la vie dans servitude (Hebreux 2:14-15). L'Esprit qui fine pousse toi remette to L'engagement de jour en jour durcit to le coeur jusqu'a qui li vine dir couma carapace ene tortue.

5. LEOPARD.— Li ene zanimaux féroce et cruel. La haine, colère, et banne sauts humeurs domine le coeur dimoune souvent, et li arrive par fois qui tous sa péché la termine par crime. To capave essaye domine ene mauvais humeur et to capave même réussi faire li jusqu'a ene jour li éclate ene fois encore couma ene bombe. Li vaut mieux pou toi to admette li couma li été, et to demande Jésus délivré toi de sa mauvais le coeur-la. "Astère na pas bizin en colère" (Gen 45:5) "Laisse to colère, abandonne fureur, et n'a pas irrité, li pou mal faire." (Ps. 37:8) — "Fureur li Cruelle, et la colère li impétueuse, mais qui sanne-la pou resister divant la jalousie?" (Prov. 27:4) — "Pas presser dans to l'esprit pou irriter, car l'irritation répose lor sien banne insensés." (Ecel. 7:9). Mais astère-la rénonce la colère, et L'animosité. (Col. 3:8).

Ena boucou qui essaye apaise zotte colère are boire et vengé,

mais zotte du vin, li poisson banne serpents. Li poison cruelle banne aspics. (Deut. 32:33) Vengeance li bien douce dans le coeur ene pecheur mais Bon Dieu fine dire qui li appartenir zis pou li pou venge nous. Jésus fine dire. “Content to prochain couma to même.” “Content ou banne ennemis.” Bon Dieu fine promettre pou, pardonne nous péché si nous pardonne banne qui fine offense nous. Ene l’esprit chagrin et boudéur li oussi en abomination à Bon Dieu. Banne mauvais desirs qui amène ou la geurre, ki faire di sang coulé li aussi dans le coeur dimoune. A cause sa même li pou mette vraie le paix dans nous le coeur si nous oulé qui sa paix la duré.

6. SERPENT.— Ti trompe Eve dans jardin Eden. Li ti détruire sa communion et l’harmonie pli douce ki ti ena avec Bon Dieu. Satan ange déchu, ti ému de la jalousie contre Adam ek Eve quand li ti trouve zotte établir lor la terre, et vive en communion parfaite avec Bon Dieu dans place Lucifer. Car par jalousie qui Satan ti décide pou détruire zotte, et li fine réussit détruire zotte l’harmonie magnifique et zotte la vie avec Bon Dieu. Sa même jalousie diabolique et sa même l’envie qui habite dans certain le coeur, quand zotte, trouve les zotte vive heureux et a l’aise — “Jalousie li inflexible couma séjour la mort.” (Cant. des Cant. 8:6). Li mette banne mauvais pensée dans le coeur et détruire bonheur les zotte, li capave même conduire au crime. Li surtout dans cas certain la vie conjugale. Jalousie li à l’origine boucou misères et la haine dans le monde business et les zotte domaine la vie. Même banne ki travail pou Bon Dieu banne prédicateurs, et pasteurs na pas immunisé contre bannes attaques-là, et zotte bizin bien veiller constamment, afin qui zotte capave remplit par sagesse de peur qui zotte ministère pas troublé par l’esprit diabolique et jalousie si li arrivé qui Bon Dieu servi ene lotte de so banne serviteurs plis qui zotte-même.

7. GRENOUILLE.— Nourrit lors la terre et symbolise ici l’avidité, “L’amour pour l’argent qui racine tous banne mal.” (1 Tim. 6:10) Au Congo ou capave trouve ene créature espece grenouille qui dévore certaines banne fourmi jusqu’a qui zotte éclaté et mort. Ene dimoune avide jamais li prêt pou ouvert so la main pou aide banne pauvres, et banne misères, mais li essaye pou attirer li même à travers moyens honnêtes ou malhonnêtes pou gagne banne

richesses sa le monde-là, même qui zotte pou détruire par la rouille et teigne. Jésus fine dire li-même: “Na pas ramasse trésors lor la terre, cotte teigne et la rouille pou détruire et cotte voleurs pou percé et coquain, mais, ramasse banne trésors dans le ciel, cotte ni teigne ni la rouille pas pou capave détruire, et cotte voleurs pas pou percé et coquain. “Car la cotte to trésor pou été to le coeur pou labas même.” (Matt. 6:19-22) Acan et tous ce qui li ti appertenir ti perit parcequi li ti content l’or et l’argent, pierre précieuses, et banne zoli habits (Josue 7). Judas Iscariot, disciple Jésus, ti mette pendu parcequi l’amour L’argent, ti rende li traïte envers so Seigneur et Maître. Ni l’argent, ni l’or qui le mal, mais l’amour l’argent qui grandi dans le coeur dimoune. Boucou millier zommes et femmes de tous classes, de tous races zotte ruiner par zotte propre la vie et la vie zotte prochains par mauvais désir qui zotte gagner par banne grand quantité l’argent qui zotte gagne par banne jouet de hazard banne parriage grand jouet dans le course cheval ou li chien. Désir pou vine pli riche, sans la peine conduire souvent au crime ou suicide. L’amour l’argent et avidité marche pair avec l’amour, la gloire et désir la puissance. Qui li puissance politique pou domine les zotte ou soit puissance financière pou opprime banne pauvres; ou soit encore puissance religion faire dimoune contre l’organisation l’église, ou Bon Dieu. Zotte faire zotte vine juge (et condanne) banne saints” qui ti suive Jésus Christ sans qui rentre dans ene l’église particulière (Marc 9:38). Jésus fine dire: “Reste loin de tous avarice, car la vie ene dimoune pas depanne lor so du bien, qui dans l’abondance.” (Luc 12:15). Guette zistoire ene dimoune riche insensé: “Qui mo pou faire? Car mo pas ena place pou serre mo recolte. Guette qui mo pou faire li dire: Mo pou démolir mo banne gréniers et mo pou faire les zottes pli grand, et la mo capave ramasse mo recolte et tous mo di bien; et mo dire mo l’âme: “Mo l’âme to ena boucou di bien en réserve pou boucou bananés; repose-toi, manger boire et réjouir-toi”. Mais Bon Dieu dire li: Insensé! Sa la nuit la même mo pou prend to l’âme; et tous se qui to fine préparé, pour qui sa pou été? Li pareille pou celui qui ramasse banne trésors pou li-même, et qui li pas riche pou Bon Dieu.” (Luc 12:17-21). Et qui serti ene dimoune gagne le monde entier si li perdi so l’âme? (Marc 8:36) Jésus dire zotte, “pas bizin prends tracas pou ou la vie de qui ou pou mangé... la vie li plis qui

nourriture... Car tous cela, c'est banne païens sa le monde-la qui cherché. Ou Papa conné qui ou bizin. Cherche plitot Royaume Bon Dieu et tous quichoses ou pou gagne en plus... Car la cotte ou trésor été, ou le coeur pou la-bas même" (Luc 12:22,23,31,34)

8. SATAN. — Papa tous banne menteurs et tous mensonges li ici investigateur tous péchés. C'est li qui domine le coeur. Jésus fine dire: "Ou ena couma papa le diable et ou oulé accomplir banne désir ou papa. Li ti ene criminelle jusqu'a commencement, et li pas tenir dans la vérité, parcequi pena le vérité dans li. Quand li profère mensonge li cause par so propre fonds; car li menteur et papa mensonge." (Jean 8:44) Ene mensonge "innocent" li aussi grave qui ene gros mensonge. Ena banne mensonges qui zotte "dire" qui zotte "écrire", et qui zotte "faire". Ene hypocrite li ene menteur, car li donne li pou ene Bon Dieu qui pas menti ditout. Ene chrétien pas capave cause menti — "Si nous dire qui nous en communion avec li et qui nous marche dans ténèbres, nous pé cause menti, et nous pas pé pratique la vérité." (1 Jean 1:6) "Dehors banne li chiens, banne enchanteurs, banne impudiques, banne criminelles, banne idôlatres, et N'importe qui sanne-la qui pratique le mensonge." (Apoc. 22:15). Parmi sept choses qui Bon Dieu haïr li "Ene fausse témoin et celui qui cause menti... (Proverbes 6:16-19)

9. Z'ETOILE — représente conscience dans le coeur chaque dimoune. Dans sa zimage-la li noir, mauvais, corrompue, et perverse, enefaçon qui li pas capave même juge so propre zaffaire. Sa mauvais conscience la li parfois calme, parfois troubleé. Li accuse quand li bizin excuser, et excuse quand bizin accusé — "Mais l'esprit dire expressement qui dans dernier temps, boucou pou abandonne zotte la foi, pou zotte attache zotte avec banne l'esprits séducteurs, et banne doctrines démons, par l'hypocrisie fausse docteurs et pou porte marque flétrit dans zotte propre conscience. "(1 Tim. 4:1-2)." Banne le coeurs purifiés par mauvais conscience (Hebreux 10:22) Li pou alors couma cauterisée par ene fer ardent.

10. LIZIE BON DIEU — trouve tous se qui passe dans le coeur. Narien pas sapé par so lizié la flamme; à cause sa même li trouve tous banne pensée secrets et tous banne l'intention le coeur. (Dans

sa banne zimages-la, lizié correspond oussi a l'expression visage dimoune).

11. **BANNE TIPTI LA LANGUE DI FEU** — autour le coeur représente l'amour Bon Dieu qui entoure le coeur pecheur. Li vraie qui Bon Dieu haïr péché, mais li content nous et li pas oulé la mort ene pecheur, mais qui li répent, et li vive. Jésus fine vine sauve banne pecheurs. (Luc 15:10) La joie dans le ciel li bien grand pour ene seul pecheur qui répent. "Sa banne tipti la langue di feu la montré nous di sang Jésus Christ oussi, "L'Agneau Bon Dieu qui ôte péché sa le monde la." (Jean 1:29).


12. **ANGE** — la représente la parole Bon Dieu. Bon Dieu désir cause are zommes et femmes qui accablés par poids péché afin qui zotte rentre dans zotte-même et qui la lumière et l'amour Bon Dieu rentre dans zotte le coeur.

13. **COLOMBE** — la li l'emblème Saint-Esprit, L'Esprit la vérité qui convainc péché par la justice et le jugement. Saint-Esprit ici li en dehors le coeur dimoune. Li pas habite la cotte péché reigné en maître.

Si sa zimage le coeur la montré l'état to propre le coeur, to reste zis pou crié le Seigneur. Ouvert to le coeur are li et laisse la lumière so Parole rentre la dans. "Croire Seigneur Jésus Christ et to pou sauvé." Bon Dieu oulé accomplir, li, li fine promesse pou change to le coeur, pou donne toi ene nuvo, animé par ene nuvo l'esprit. Deuxième zimage-la pou montre sa.

DEUXIEME TABLEAU

Sa zimage-la représente le coeur qui pé repentir et qui fine coumence cherche Bon Dieu. Sa ange-la pé tenir ene l'épée, la Parole Bon Dieu, qui "Vivant et efficace, pli tranchante qui n'importe qui l'épée a deux tranchants, qui pénétré jusqu'à partage l'âme ek l'esprit, jointure et la moelle; li juge banne sentiment et pensée du coeur." (Hebreux 4:12) "Li réservè pou tout dimoune pou mort ene seul fois, et après sa ena ene jugement . . ." Coumsa



LE COEUR PECHE, QUI PE RECHERCHE LA SALUT

la Parole Bon Dieu rapelle dimoune qui “Salaire péché, c’est la mort.” Ene pecheur et ene incrédule pou être jétés dans l’Etang ardent di feu et soufre.

Ange-la fine prend ene crâne dans so lotte la main. Sa faire rapelle ene pecheur qui nous tous bizin mort. Nous le corps qui nous content boucou, qui nous habillé, nourit et embellir et qui nous soigné pou satisfaire so banne convoitises, pou mort et pou dépérit, pou être dévoré pas les vers, alors qui nous l’âme et nous l’esprit qui vive éternellement, pou parette divant tribunal Bon Dieu.


Ici nous trouve ene pecheur qui coumence écoute message Bon

Dieu. Saint Esprit fine coumence luire so le coeur qui ti obscure are péché. La lumière Bon Dieu pénétré dans so temple etli chasse tous ténèbres. Banne different zanimaux qui ti represente péché, prends la fuite. A cause sa même, cher lecteur, permette Jésus, qui la lumière le monde pou rentre dans to le coeur afin qui li débarrassé de sa banne ténèbres-la et zotte oeuvres couma nous trouvé dans sa zimage la. Jésus fine dire: “Moi mo la lumière du monde, et ce qui suive moi pas pou marche dans ténèbres, mais li pou gagne la lumière la vie.” (Jean: 8:12). Jamais to pas pou capave chasse banne ténèbre-la de to le coeur par to propre zefforts, par to propre sagesse ou soit sagesse les zotte. Moyen pli simple pli radical oussi-envérité, le seul moyen pou faire banne ténèbre-la fuir, c’est laisse la lumière entré, car, banne ténèbres la c’est nous banne péchés. La lune et z’etoiles éclaire nous in pé dans la nuit sombre, mais ler soleil lève, l’obscurité et tous banne la lumières faible disparette, Jésusli-même “Soleil la Justice.” Quand le Seigneur ti rentre dans ene temple de Jérusalem li ti chasse tous banne qui ti pé vende boeufs, moutons, et pigeons, et li renverse banne la table banne changeurs, et li dire: “Mo la cage pou être appelée ene la cage de prière, mais zotte, zotte fine faire li vine ene caverne banne voleurs.” (Matthieu 21:13).

To le coeur fine destiné pou être Temple Bon Dieu, so la cage. Li desire habite la dans, embellir li, et rempli li avec so la lumière, so l’amour, et so la joie. Jésus pas fine vine la jis pou pardone nous péchés, mais li fine vine la pou libère nous de la puissance, et domination péché. “Si donc Garçon Bon Dieu pé affranchir ou, ou pou réellement libres.” (Jean 8:36).

TROISIEME TABLEAU

Sa zimage-la montre nous l’état le coeur ene pecheur qui pé répentir vraiment. Astère-la li rende conte boucou péchés bien grave et terrible qui li ti comette et pour lesquels Jésus fine mort lor la Croix. Ler li guette La Croix qui ange Parole Bon Dieu ti révèle li, sa oblige so le coeur qui fine déjà construire cassé, et li repentir profondement so banne péchés, et tout so le coeur attristé. Quand li realise sa grandl’amour Bon Dieu-la manifesté en Jésus-Christ, et sa l’amour qui pénétré so le coeur-la et li coumence comprend qui



LE COEUR QUI PE REPENTIR

Jésus-Christ. Garçon Bon Dieu fine vine ote so banne péchés, a cause sa même li fine mort a so place lor “Di bois maudit.”


Le fait qui Jésus fine être fouétté, couronné par banne épines, et qui so la main et li pieds fine percé par banne clous, qui li fine mort lor la Croix pou nou péché, li révèle nous tous encore ene fois clairement et profondément ene pecheur qui fine repentir, troublé so le coeur ek so la vie. Quand li lire Parole Bon Dieu, li capave trouve li couma ene la glace et li rende li de plis en plis conte commien li ti éloigne avec Bon Dieu et commien fois li ti transgresse so banne commandements. Li profondément et divinement contrit et quand

li repand so le coeur divant Bon Dieu, dans larmes, li pleuré amèrement, Jésus approche li are li. L'Amour et la paix Bon Dieu rempli so le coeur quand li coumence realiser qui "Di sang Jésus Christ, Garçon Bon Dieu, purifié nous tous nous péchés" (1 Jean 1:7) "Bon Dieu li près cotte banne qui ena le coeur brisé, et li sauve banne qui zotte l'esprit dans l'abattement." (Ps. 34:19). Pli divant la Parole déclaré qui "Guette lor qui sannela mo pou jette mo regard; lor banne qui souffert et lor banne qui ena l'esprit abattu, et lor banne qui peur la Parole." (Esaie 66:2) L'Esprit Saint li ti répète doucement banne parole Jésus: "Mo garçon (Tifille) alle en paix; to banne péchés fine être pardonnés." Toujours quand li guette la Croix et quand litrouve disang Jésus repand lor la et li croire qui sa fine accompli pou li personnellement, li pou senti li peu a peu soulagé de so fardeau banne péchés, car Jésus Li-meme fine porte nous douleurs et nousbanne peines li réalisé qui li fine blessé pou nou péchés, brisé pou nous iniquités. "Et qui Bon Dieu fine faire tombe lor li tous nous iniquités." (Esaie 53).

La lumière Saint Esprit fine remplit so le coeur aster-la, qui long-temps, li sali et plein de ténèbres, li fine nétoye li et faire li vine blanc couma la neige par du sang Jésus (Esaie 1:18) "L'Esprit li-même li rende temoignage nous l'esprit qui nous nous zenfant Bon Dieu" (Rom 8:16) Astère la li sire qui "Celui qui croire dans Seigneur Jésus pas pou périt ditout, mais li pou gagne la vie éternelle," Car, "en Jésus qui nous ena rédemption par so disang, remission banne péchés selon richesse so grâce." (Eph. 1:7) Banne convoitises pêcheresse la chair astere fine cède so place desir ardent pout vive pou Bon Dieu et pou servi li, "Li qui fine content nous premier." Au lieu qui li content li monde et quichose dans le monde, li content Bon Dieu et quitchose Bon Dieu aster.

Dans sa zimage-la banne zanimaux représente banne péchés qui trouve en dehors le coeur sa dimoune-la astere; pourtant satan pas pe rode quitte so ancien la cage et li guette derière, et ena croyance pou rentre encore ene fois. Guette qui faire Seigneur Jésus exhorte nous pou veiller et prier afin qui nous résister au diable pour qui li éloigne nous.

QUATRIEME TABLEAU



CRUCIFIÉ AVEC CHRIST

Sa zimage-la montré nous ene Chrétien qui fine trouve la paix parfaite et Redemption par sacrifice nous Seigneur et Sauveur Jésus Christ, qui pas glorifié “narien aparte la Croix nous Seigneur Jésus Christ qui fine être crucifié par la monde pou li, couma li li ti été pou le monde.” (Galates 6:14).

Jésus fine mort lor la Croix afin qui en li, nou capave “mort aux péchés, et qui nous vive dans la justice.” (1 Pierre 2:24); ene chrétien fine crucifier pou le monde. Dans Galates 5:16 li ordonne nous pou marche selon L’Esprit, et pas bizin accomplir désirs la chair; et

dans Galates 5:25 “Si nous vive par l’Esprit, marche oussi selon L’Esprit.”

Dans sa zimage-la nous pou trouve colonne dans laquel Jésus ti fine attaché après qui zotte ti tire so linge. Nous capave trouve banne fouets avec laquelle zotte ti batte li cruellement, car, “Chatiment qui fine apporte nous la paix fine tombe lor li”. “Li fine être tué pou nous iniquité.” “Hérode et so banne zomme ti pé moque li après zotte fine habille li avec poupre et zotte fine batte li coute bâtons, quand zotte fine prepare ene couronne épines; zotte fine mette sa lor so la tête;” au lieu ene couronne l’or. Zotte fine mette ene roseau à so droite au lieu ene sceptre le roi, et zotte fine prosterne divant li et fine raille li, et dire li: “Salut Roi des Juifs!” Zotte fine crache lor li, ler qui zotte ti enlève roseau la depi dans so la main, et fine batte li lor so la tête. Après qui zotte fine raille li cruellement, zotte fine amène li pou crucifié li.

Ena boucom “chrétiens” qui zis pou nom, prié dans banne l’églises, prend Sainte Cène, chante banne cantiques et mais entretiens toujours crucifié le sauveur chaque fois par méchanceté. “Banne qui dire moi: Seigneur! Seigneur! pas pou rentre di tout dans le Royaume de Cieux, mais celui-la tou seul qui faire volonté mo papa qui dans les Cieux.” (Matthieu 7:21-27).

Dans sa même zimage-la nous pou trouve bourse Judas, qui fine trahir Seigneur Jésus et fine vende li pou trente pièce l’argent, parcequi l’amour l’argent ti fine empare so le coeur tout, et fine obscure so l’esprit. Lanterne et la chaîne . . . fine être servi par banne soldats qui fine empare Jesus de la nuit. Zotte fine servi par banne soldats qui fine empare Jésus de la nuit. Zotte fine servi le dé pour tire ou sort pou prend so tunique, pou accomplir prophétie Bon Dieu: “Zotte fine partage so vêtement, et fine tire au sort so tunique.” Zotte fine dépouille Jésus de tout et fine réjette li et zotte dire: “Nous pas oulé qui sa dimoune la règne lor nous!”.

Tous dimoune oulé recevoir bénédiction are Bon Dieu, la pluie ek soleil, mais zotte na pas oulé soumettre ene autorité Bon Dieu. Pour zotte Bon Dieu existe zis dans periode qui zotte dans trouble ou soit désespoir.

Ene soldat fine perce côte Jésus avec ene lance et “de suite di sang ek di l’eau fine sorti.” Ek avant qui coq fine chanté, Pierre ti fine renié Jésus trois fois divant ene jeune servante: mais pli tard, li

fine répentir et fine pleuré amèrement. Est-ce qui ou fine confesse ou à Jésus par ou banne parole et par ou actions? “Acause sa même, n’importe qui sanna-la confesse divant banne dimoune, mo pou confesse zotte divant mo Papa qui dans les cieux moi oussi; mais n’importe qui sannela qui pou renié moi divant banne dimoune, mo pou renié zotte divant mo Papa qui dans les Cieux moi-oussi.” (Matthieu 10:32, 33).


Jésus fine oussi dire: “Celui qui pas prends so la croix et pas suive moi, pas pou digne pou moi,” (Matthieu 10:38) Bienheureux banne qui tenir lor Rocher qui Li-même Jésus Christ!

Li même ene roc séculaire
Qui Bon Dieu pou mo le coeur lassé,
Couma ene abri tutélaire,
Au Sein banne flots fine placé,
Mo rocher, mo forteresse,
Mo asile protecteur,
Mo secours dans la détresse:
Li-même Jésus, le Redempteur.

CINQUIEME TABLEAU

Guette le coeur ene Pecheur sauvé par la grâce qui fine purifier et sanctifier et la miséricorde abondance Bon Dieu. Sa le coeur la fine vine vraiment temple Bon Dieu, la cage Bon Dieu, qui papa, Garcon ek Saint Esprit, selon promesse Seigneur Jésus-Christ: “Si quicaine content moi, li garde mo Parole et mo Papa pou content li; nous pou vine cote li et nous pou faire nous demeure cote li,” (Jean 14:23). Par Jésus Christ, Bon Dieu honore, bénit et redresse dimoune.

Sa le coeur-la li temple Bon Dieu aster-la. Péché fine fini chassé la dans — Au lieu ene banne zaminaux dominé par Satan, papa mensonge, nous pou trouve Saint-Exprit, L’Esprit la vérité la-dans. Après qui li ti ene siège la chair, le coeur la fine vine ene zarbre magnifique qui porte banne fruit l’esprit couma: L’Amour, la Joie, la paix, L’Humilité, Douceur, Bonté, Fidélité, Patience, Benignité-Tempérance et les zotte encore, qui agréable à Bon Dieu et aux zommes. Astere-la li ene sarment vrai cep, nous Seigneur Jésus



TEMPLE BON DIEU


Christ et sa sarment qui porte banne fruits. Secret L'abondance sa banne fruits-la ce qui li reste en Christ et Christ et so banne commandements reste en li. (Jean 15:1-10). A cause qui li ti rempli avec Saint-Esprit et qui li ti recevoir baptême Saint-Esprit, qui li ena puissance pou vainc la chair ek zotte convoitises, pou crufifier ene vieux dimoune. Li pas viv zis pou guetté, tendé et touché, mais par la foi, car la foi en Jésus Christ li ene victoire qui vainc le monde. Li viv dans ene l'esperance sire et vivant qui fortifié par ene l'esperance glorieuse prochain retour nous Seigneur Jésus Christ. Li pé vive dans L'Amour et par L'amour Bon Dieu qui dure éternellement.

“Heureux banne qui zotte le coeur pure, car zotte pou trouve Bon Dieu” (Matt. 5:8). Le Roi David ti conné qui pli grand la guerre li ti livré dans so propre le coeur malgré tous so banne richesses et tous so banne victoire lor so banne l’ennemi exterieurs; oussi li ti réalise so banne manquement interieures quand li ti prié: “Oh Bon Dieu, créé dans moi ene le coeur pure, renouveler dans moi ene l’esprit bien disposé!” (Ps. 51:12). Aucaïne, parmi nous pas capave purifié nous propre le coeur et pas capave non plus créé ene le coeur pure en dans li-même. C’est jis quand nous repentir sincerement divant Bon Dieu couma David ti faire quand li dimande Bon Dieu pou donne li ene le coeur nouveau, et qui sa li possible. BonDieu oulé faire quichose nouveau dans ou le coeur. Pas par rapiéceter banne habits déchiré et en haillons pou ou propre justice, par banne promesse vaine, qui nous pour nous le coeur ene demeure convenable pou Bon Dieu, qui li li dimande jis pou aide ou, car li fine faire ene merveilleuse promesse quand li dire: “Mo pou repand lor zotte, di l’eau pure et zotte pou purifié. Mo pou purifié zotte de zotte souillures et de tous zotte idoles; mo pou ote zotte le coeur roche depi dans zotte le corps et mo pou donne zotte ene le coeur la chair. Mo pou mette mo l’esprit dans zotte, et mo pou faire ene manière qui zotte suive mo banne ordonnances et qui zotte observe et pratique mo banne la loi”. (Ezechiel 36:25-27) Sa li signification Nouveau Testament qui Bon Dieu fine scellé par di sang so Garçon Jésus Christ.

Dans sa zimage-la nous pé trouve aussi ange-la réparette. Or, banne ange-la fine destinée pou servi banne qui pou hérite la vie éternelle et zotte fine gagne l’ordre pou campe autour, banne qui craigne Bon Dieu (Ps 34:8; 91:11-12; Dan 6:22; Matt 2:13; Actes 5:19; Actes 12:7-10).

Diable oussi visible dans sa zimage-la. Li reste près cotte le coeur, et li pé veille ene moment favorable pou rentre dans so ancien la cage. À cause sa même ene apôtre exhorte nous pou veiller et prier, car: “Ou adversaire, le diable, rode couma ene lion arragé, qui cherche pou qui li pou dévoré.” (1 Pierre 5:8). Bien souvent li déguise en ange de lumière pou séduire banne croyants qui manque vigilance par banne convoitises sa le monde-la, tellement, li subtil qui li reussit trompe banne pli fidèles parmi banne élus. “Cependant si nous résisté diable, li pou fuir loin de nous. (Jacques 4:7).

SIXIÈME TABLEAU



LE COEUR QUI FINE TENTÉ ET DIVISÉ

Guette sa zimage triste ene rénégat la. Ene lizié pé fermé, car li pé coumance dormi dans so la Vie Chrétien, alors qui lotte lizié-la pé guette autour de li et pé faire le tour le monde. La lumière qui ti ena en dans fine obscurcie et dans so le coeur banne signes qui ti disponible pou souffert avec Christ né pli visible. Li fine entouré par banne tentations avec qui li mort au lieu qui li resister zotte. Au lieu li écoute la voix Bon Dieu, astere li coumence écoute banne proposition subtiles et banne fausse promesses tentateur. Li capave qui li pé encore alle l'église, pou li cassiette l'amour le monde dans

so manteau religion, mais l'amour Bon Dieu fine refroidi dans so le coeur. So L'esprit fine partage en different opinions. Li coumence flirte avec le monde alors qui li faire croire qui li encore toujours content Bon Dieu dans so le coeur; Z'etoile conscience fine teigne dans li. Li né pli porte so la croix allègrement, sa fine vine ene fardeau lourd et indésirable pou li. So la foi fine vine vacillante, et fine arrête rente en communion avec Bon Dieu par la prière, et li tombe dans l'indifference et negligence quand a l'état so le coeur li faire place doucement doucement pou tentateur et banne aguets près cotte sa le coeur . . . Li jouir plis encore avec banne dimoune dans sa le monde la au lieu qui fraternité banne vrais croyants.

L'esprit paon qui represente l'orgueil, rode rente la dans, Sa Chrétien-la faire probablement blié qui li ti sauvé par la pure grâce et li fine vine ene chrétien orgueilleux. L'ivrognerie pé tappe so la porte, et pé cherche pou rentré. Tous sal la coumence bien souvent "innocemment" par l'apparence, par exemple quand li retrouve so banne camarade dans le monde dans banne fête cotte li honté ou soit ene "momier". Ler-la diable cause dans so zoreille et dire li qui sa pas affecter so la vie spirituelle. Banne pensées et banne convoitise charnelle pou être senti ler la. Li capave arrive qui ene coup li coumence faire banne plaisanteries douteuses, et fréquente banne la salle bal, banne plaisir recommandable pou laisse adversaire suggerer qui sa li nature humaine et qui "pecher ene fois li pas ene péché".

Li bien vrai qui nous pas capave faire narien si banne zoiseaux sauvages du mal et pensées impure envole par la haut nous la tête, mais nous pou être blâmer si nous permette zotte installe dans nous et si nous laisse zotte faire nique dans nous le coeur pou couvée et éclore zotte mauvais actions. Si nous donne diable nous ti le doigt li pas pou hesite pou prend nous la main entier, et attire par sa nous l'âme et nous l'esprit dans l'enfer éternel. A cause sa même Bon Dieu exhorte nous solennellement pou nous fuir banne convoitises nous jeunesse et pas joué avec péché dans n'importe qui forme qui li présenté divant nous. Nous bizin fuire vers Jésus, nous Libérateur et nous Conquerant.

Sa dimoune qui ou trouvé pé poignarde le coeur dans sa zimage-la symbolise banne moqueurs et banne adversaire Christianisme. Depi dans zotte la lèvres moqueurs et zotte la langue calomniatrices,


zotte pe poignarde et blesse le coeur banne Chrétiens et ene le coeur partagé pas capave vive par sa banne l'attaque-la. Ene Chrétien coume sa pas capave peur dimone plis qui Bon Dieu. La Crainte "Qui zotte pou dire? et ce qui li pou faire, banne dimoune pou vine esclave dimoune et faire li éloigné ek Bon Dieu. Sa mauvais humeur et colère la pou manifester dans periode cotte ena banne problèmes et déceptions et zotte force pou rentre dans le coeur. Sa terrible serpent la jalousie-la parette zis ler qui les zotte pé pli prospéré et zotte pe gagne plis succès qui nous, li fatigue nous et permette nous cédé et nous ouvert la porte pou laisse la haine et l'orgueil rentré.

Li bien facile pou laisse l'amour l'argent rentre dans nous le coeur si nous pas prend garde l'avertissement nous Seigneur Jésus quand li dire: "Veiller et prier afin qui ou pas tombe dans tentation." (Matt. 26:41) 1 Cor 10:12 dire nous, "Coume sa donc qui celui qui croire qui li fine debout prend garde qui li tombé!" Réhabilite ou avec tous zarmes Bon Dieu afin qui ou reste ferme contre ruse du diable". (Ephesiens 6:11-18).

SEPTIEME TABLEAU

Sa zimage-la montré l'état ene le coeur rétrogradé. Sa dimoune-la li déjà éclairé et fine gouté Bon Dieu so don, et li ti vine ene participant "Saint Esprit", après qui li fine écarté de sa bon simin-la. Li montré oussi l'état ene dimoune qui pas fine repenté jamais ou soit qui pas fine abandonne li-même à Bon Dieu quand-même la vérité l'Évangile, la Bonne Nouvelle ti être annoncé a li et dûment révélée . . . Ene dimoune qui endurei so le coeur quand Bon Dieu intervenir auprès li, pou alle de mal en pis malgré tous banne zéffort qui li faire pou corrige li même.

Jésus li même fine decrire position rétrogradé dans Luc 11:24-26. "Quand l'esprit impure fine sorti depi dans ene dimoune, li alle dans banne places arides, pou cherche repos. Quand li pas trouve ditout li dire: Mo pou rétourne dans mo la cage cotte mo ti sorti, et li arrive la-bas et trouve li fine ballier et bien orné. Alors li allé et prends sept les zotte l'esprits pli mauvais qui li; zotte rentre dans la cage, et établir zotte la dans, et dernier condition sa dimoune-la li vine pire qui premier fois" — 2 Pierre 2:22. "Fine arrive li pareille couma ene proverbe dire: Ene li chien retourne à ce qui li ti vomé, et ene cochon bien baigné fine retourne dans so malpropre."



LE COEUR ENDORCI QUI RETOURNE EN ARRIÈRE

Sa banne passages Bibliques-là révèle nous clairement l'état le coeur ene dimoune retrogradé ou soit ene pecheur qui pas pé repentir. Péché ek tous so pouvoir tromperie fine retourne installer afin pou règne lor sa le coeur la. Même visage sa dimoune la fine vine jusqu'a ene certaine point reflète l'état so le coeur. L'Esprit Saint, sa pigeon douce-la li obligé quitte sa le coeur la, parcequi péché ek Saint Esprit pas capave habite emsemble. Le coeur pas capave enmême temps temple BonDieu ek caverne diable. Ange quiréprésente parole BonDieu fine alle aussi tristement, et pé guette toujours derrière dans l'espoir qui sa dimoune-la capave repentir


couma le fils prodigue — Luc 15:16-18, Li ti bien capave mange banne repas qui banne cochons ti pé mangé, mais personne pas ti pé donne li sa. Quand li fine retourne a li-même, li dire . . . mo pou lévé, mo pou alle cotte mo papa, et mo pou dire li: Mo papa mo fine péché contre le ciel et contre toi, mo né pli digne pou être appelé to garçon,” Papa-la lergi guette so garçon fine repentir, ti fine pardonne li et fine mette li au large.”

Mais dans nous zimage pas ena vrai repentance, sa dimoune la pas pé tourne li vraiment vers BonDieu, et né pli pé cherche so pardon cotte lipieds Jésus. So conscience nou capave dire li cautérisée contre ene fer rouge; li dormi (vouée dans silence). Li ena zoreilles mais li pas pé tende la voix Jésus. Li ena lizié mais li pas pé trouve sa fosse sans fond l’enfer la couma ouvert en grand enbas so lipieds. Li pas même honté pou persisté dans péché. Satan pé règne lor so le coeur. Li fine assise couma ene le roi lor so trône. Li possible qui sa dimoune la encore ena ene l’air de respectabilité, ene l’apparence religieux, pareille couma ene tombe blanchi, mais endans li pleins avec banne ossement la mort et tous qualité impureté. (Matthieu 23:27).

Papa mensonge pé occupe place l’Esprit de Vérité astere-la Chaque zanimaux, chaque péché accompagné par ene démon special, ene l’esprit impure qui pé occupe so le coeur. Quand même li pé rode libéré li de sa banne tortionnaires-la, banne la pou reste enchaîné are li — “Ce qui fine viol la loi Moïse pou mort sans miséricorde, par deposition deux ou trois témoins; par qui châtiement pire ou penser qui pou juge celui qui fine foule lipieds Garçon Bon Dieu, qui fine tenir pou profane di sang l’alliance par qui li ti fine sanctifié et qui li fine outrage l’Esprit la Grâce?” (Hebreux 10: 28-29) (Lire oussi 2 Pierre 2:1-14).

Sa zimage-la correspond l’état to le coeur, cher camarade. Crié Bon Dieu sans tardé et de tout to le coeur. Et li capave, et li oulé pardonne to banne péchés; si to vine a li dans ene l’esprit repentance, sincère. Vine a li couma sa lépreux qui ti vine vers Jésus et dire li: “Si to oulé, to capave rende moi pure.” (Marc 1:40-41). Mais so ti continué endurci to le coeur, si to préfère ténèbres a la lumière, pas ena l’esperance, ni secours parcequi to fine choisir la mort au lieu choisir la vie” — “Car salaire péché, li la mort,” (Romain 6:23).

HUITIEME TABLEAU



LA FIN ENNE PECHEUR

Ici nous trouve la mort fine approche ene rétrogradé, et ene pecheur qui pense toujours pou repentir demain... Si zotte le corps li plein ek di mal, zotte l'âme rempli par terreur et la mort qui vini. Spectre la mort à touché ek so chevet aster. Banne plaisirs trompeur péché fine evanourir, et li bizin faire face a ene réalité terrible de sa-laire péché. Tourment l'enfer coumence envelope li, li découvert qui li nêpli en communion avec Bon Dieu. Même qui li oulé prié aster-la, li decouvert qui li nepli capave rentre en communnion avec Bon

Dieu, sa Bon Dieu qui li ti traite avec mépris jusqu'à longtemps. So banne ancien "Camarades" pé peur pou reste costé are li, et zotte paroles recomfort vaines né pli pé vine à so secours. Sa banne richesse, qui quit fois li fine mal gagné là, pas capave ni prolonge so la vie, ni sauve so l'âme, ni apaise so agonie. Li trouvé qui li impossible pou li concentré lor Bon Dieu parce qui diable pé empêche li.

Tous ce qui li ti content longtemps, tous pour ce qui li ti pé vive, li senti fine raye li astère, et même so "berger" infidèle népli pé aide li aster. Li coumence réalisé qui "Li ene chose terrible pou tombe entre la main Bon Dieu Vivant" (Hebreux 10:31)


Li ti espéré pou mette en règle avec Bon Dieu ene beaujour, capave lor so lili la mort, mais astère-la li decourvert qui li trop tard. Milliers banne dimoune fine mort, ene la mort soudaine sans qui zotte capave cherche Bon Dieu lor zotte lili la mort. Li donc nécessaire pou cherche Bon Dieu quand ou capave trouve li. Dans nous zimage, sa pecheur-la qui pé mort après qui li fine rejette la grâce et l'amour Bon Dieu pendant tous so la vie, pas pé tende banne récomfortantes et salvatrices Bon Dieu mais la voix so Juge au lieu qui so sauveur, qui dire li: "Sort divant moi, maudits; alle dans di feu éternel qui fine préparé pou diable et so banne anges!" (Matthieu 25:41) Li réservé pou dimoune pou mort ene seul fois, après qui vine le jugement (Hebreux 9:27)

NEUVIEME TABLEU

Sa zimage-la représente ene Chrétien qui fine combatte victorieusement dans di feu banne épreuves et banne tentations. Tenté partout, li reste ferme et supporte tous jusqu'à la fin, et li reste plis ki vainqueur par Jésus Christ. Li ena "Banne régards fixé lor Jésus, qui chef et consommateur la foi." (Hebreux 12: 1-2), li rejette tous fardeau et péché qui envelope li facilement et li galoupe avec persévérance dans sa carrière qui fine ouvert pour li.

Satan et tous so banne cohorte entoure le coeur ene croyant, et essaye dans vide pou faire ene zenfant Bon Dieu devié jusqu'à dans simé droite. L'orgueil, L'amour l'argent, banne démons l'immoralité et boucou les zotte vices symbolise li.

Ene bourique fine prend place ene léopard, car souvent péché in-



LE COEUR QUI FINE CONQUERIR

sinue li et prend successivement differentes formes et li cassette li en bas ene menteau, ou soit ene nom different.

Pourtant ene chrétien vigilant “depisté” péché même si fine arivé qui li cassette enbas ene menteau la réligion, ou soit si li fine prend l’apparence ene ange la lumière, car la Parole Bon Dieu et Saint Esprit conduire lidans la vérité. Ou oussi ou capave ene di-moune qui ler qui ou pé dansé ou prend ene verre du Vin dans ou la main pou induire ene chrétien dans tentation, et faire miroite di-vant li banne plaisirs du monde. Cependant sa na pas pou capave ena aucaine l’effect lor ene chrétien consacré qui fine vraiment

mort avec Christ-dans péché et dans le monde. Ene lotte dimoune pé poignarde le coeur ene fidèle. C'est coume-sa qui banne calomnies, (apostasie), infidélité, banne railleries, banne menaces préférées par banne l'ennemi Bon Dieu et, bien souvent par soit-distant croyants, poignarde le coeur ene vraie croyant sans cesse. Li rappelle ou banne paroles Jésus "Heureux ou pou été, quand zotte pou outrage ou, quand zotte pou persécute ou et quand zotte pou cause menti par toute sortes di mal lor ou, a cause moi. Réjouir ou et reste dans allégresse, parce qui ou recompense pou grand dans les cieux... (Matthieu 5:11-12)

Péché la chair, c'est-à-dire, "Moi", faire continuellement tous sé qui li capave pou li arrache ene Chrétien depi l'amour Bon Dieu. Cependant, nous pou capave dire avec ene apôtre dans la joie et confiance totale: "Qui sanne-la pou sépare nous de l'amour Christ? Est-ce-qui tribulation angoisse, persécution, faim, nudité, péril ou soit l'épée pou faire li?... "mais dans tous sa banne choses-la nous même plis vainqueur par celui qui fine content nous". (Romain 8:35,37). Habillé par tous armure Bon Dieu, ene croyant capave deboute dans so banne mauvais jours et surmonte tous so banne tentations. Dans nous tour, nous capave vine victorieux, par Christ qui fine fortifié nous.

Z'étoile sa conscience-la li claire et brillé. Le coeur sa croyant-la li déborde la foi et Saint Esprit habite la dans. Ange Bon Dieu par la-haut li, la Parole, li rappelle li banne promesses précieuses qui li faire pour banne qui pou vainqueur et pou supporte tous jusqu'à la fin. . ." "A celui qui pou vainqueur mo pou donne zarbre la vie qui dans jardin Bon Dieu pou mangé," "Celui qui pou vainqueur pas pou souffert seconde la mort," "A celui qui pou vainqueur mo pou donne li mange la manne cachée et mo pou donne li ene caillou blanc et lor sa caillou-la pou écrire ene nom nouveau." "Et celui qui pou vainqueur et garde mo banne paroles jusqu'à la fin, mo pou donne li la puissance..." "A celui qui pou vainqueur et qui pou garde mo banne oeuvres jusqu'à la fin, mo pou donne li l'autorité lor banne nations" — "Celui qui pou vainqueur pou habillé par banne vêtements blancs, et jamais mo pas pou reface so nom depi lor livre la vie, et mo pou confesse so nom divant mo papa et divant so banne Anges." — "Celui qui pou vainqueur, mo pou faire li vine ene colonne dans temple Bon Dieu, et li na pas pou

sorti jamais . . .” “Celui qui pou vainqueur mo pou faire li assise avec moi lor mo trône,” (Apocalypse 2:7, 11, 17, 26; 3:5, 12, 21).

Ene porte-monnaie ouvert montré qui sa chrétien-la di aussi offert so l’argent pou Bon Dieu. Au lieu li gaspille so banne di bien terrestres, li employe zotte pou aide banne pauvres pou paye la dîme (ene dixième so gain) en offrandes, tous pou la gloire Bon Dieu.

Sa miche du pain et poisson-la signifie qui li ti vive ene la vie propre et li pas fine faire excès. Li pas fine sali li par boire la boisson alcoolique, et mange di sang zanimaux, ni aucaine préparations malpropre. Li pas fine gaspille so l’argent et li pas fine sali so le corps qui temple Bon Dieu par mache ou soit fume tabac; li pas fine absorbe banne la drogue, médicament nocive, mais ti fine mange nourriture simple et saine. So propre le coeur fine, vine ene temple la prière. Li fréquente en ce moment tous culte dans so l’Eglise, n’importe qui l’heure ou soit qui banne circonstances li Content la prière dans la cage, avec so famille, dans secret, parcequi li conné qui ene chrétien pas capave vive sans qui li en communion par la prière avec Bon Dieu.

Sa livre ouvert-la li la Bible qui li lire et étudié chaque jour, et li trouve la sagesse, la force, la vie, la lumière, et banne richesse qui li pas entanne, la dans. Li vine ene la lampe cotte so lipieds et ene l’épée par laquelle li combatte so adversaire. Li bien précieux, parcequi du pain chaque jour spirituelle so l’âme di l’eau vive qui passe so soif, ene bain dans lequel li capave lave so péché, ene la glâce dans laquelle li guette li-même.

Li content porte so la croix, parcequi li conne qui pas ena couronne sans la croix. Parcequi li conné qui li fine réssuscité avec Christ dans nouveauté la vie, li recherche banne quitchose la haut, éternelles et invisibles. Li fine prêt pou joine Bon Dieu et li couma ene zarbre qui fine planté dans bord di l’eau, qui gagne so banne fruit, couma ene sarment ene vraie cep et qui gagne boucou fruits. Sa dimoune la pas conne la crainte la mort parce qui par plénitude Saint-Esprit, l’amour parfait Bon Dieu fine rempli so le coeur.

DIXIEME TABLEAU

Jésus fine dire: “Moi mo la résurrection ek la vie. Celui qui croire en moi pou vive quand même li mort; et qui conque qui vive en moi pas pou mort jamais,” (Jean 11:25-26) — “Celui qui écoute mo parole, et qui croire a celui qui fine envoie moi, pou gagne la vie éternelle, et pas pou passe par jugement, mais fine passe de la mort a la vie.” Ene Chrétien pas inspire ni la mort ni effroi: “Quand sa le corps plein corruption-la pou habille par l’incorruptibilité et qui sa le corps mortelle la pou habille — immoralité, ler la la parole pou être accompli et qui dire. “La mort fine englouti dans victoire. O mort cotte to victoire? O mort cotte to aiguillon? Aiguillon la mort li péché, et puissance péché li la loi. Mais nous bizin rende grâce sa Bon Dieu qui donne nous victoire par nous Seigneur Jésus Christ.” (1 Cor. 15:54-57).

Quicaine qui marche avec Bon Dieu, qui fine vécu avec li, na pas peur la mort. Ler so l’heure pé sonnè, li pou alle volontaire couma. A pâtre Paul fine exprimé, “Mo ena desir pou mo aller et reste avec Jésus, ce qui, tiva boucou pli meilleur.” (Phil. 1:23).

Ene chrétien ena nostalgie pou guette Jésus face à face; li désire ardemment guette celui qui fine mort pou li lor la Croix pou sauve li. L’Esprit Saint faire li rappelle aussi banne paroles Jésus: “Qui zotte le coeur pas tremblé di tout. Croire dans Bon Dieu et croire dans moi.” Ena boucou places dans la cage mo papa, mo pou rétourné et mo pou prend zotte avec moi afin qui cotte mo pou été zotte pou avec moi zotte-si.” (Jean 14:1-4)

“. . . Sa banne quitchose qui lizité pas fine trouvé jamais, qui zoreille jamais fine tendé, et qui jamais fine monté dans le coeur dimoune, banne quitchose qui Bon Dieu fine préparé pou ce qui content li.” (1 Cor. 2:9).

Pas ena assez langage pou exprime la gloire banne place célestes qui fine préparé pou banne qui marche lor banne traces Seigneur Jésus Christ lor la terre.

Dans lieu et place sa squelette horrible-la (la mort) nous trouve dans sa dernier zimage-la, Ange-la ene messenger Bon Dieu. Li pé attanne pou amène banne pecheurs cotte Bon Dieu pou justifié. L’âme ek l’esprit fine libéré des liens banne le corps mortelle et pé



RENTRE DANS LA GLOIRE TO SAUVEUR

prend essor vers celui qui so l'âme ti content, par lequel li fine vécu et pour lequel li fine mort. Bon Dieu fine réserve ene bon accueil par banne paroles bien venue de so Sauveur et Maître. "C'est bien, bon et fidèle serviteur; to ti fidele dans in pé quitchoses, mo pou confié toi boucou; rentre dans la joie to maître." (Matt. 25:21). Satan né pli ena pouvoir lor li, car "Li ena prix divant lizié l'Eternel, la mort de ce qui fine content li." (Psaume 116:15)" Et mofine tende ene la voix du ciel qui dire: "Ecrire: Heureux jusqu'à astere-la banne la mort qui pé mort dans le Seigneur! Oui! L'Esprit

dire, afin qui sé qui pé repose de zotte travail, car zotte oeuvres pe suive zotte.” (Apocalypse 14:13).

Toi qui lire sa “La Glace le Coeur” la, laisse Bon Dieu aide toi donne to le coeur à celui qui content toi, car, en ce moment, li pé plaide aupres toi (li pé adresse toi) et dire: “Mo garçon (ti fille) donne moi to le coeur.” (Proverbes 23:26). Donne Jésus to le coeur fatigué, to le coeur déçu, to le coeur qui pé souffert et li pou donne toi ene nouveau le coeur, ene nouveau l’esprit. Na pas laisse toi leurrer par to propre le coeur trompeur et suivre so desirs, car; “Celui qui ena confiance dans so propre le coeur li ene insensé; mais celui qui marche dans la sagesse pou être sauvé.” (Proverbes 28:26). Abandonne to banne péchés et attache-toi à la justice, “Car salaire péché, li la mort, mais don gratuit Bon Dieu, li la vie — éternelle dans Jésus Christ, nous Seigneur.” (Romain 6:23).

Et toi qui fine rémette to la vie à Bon Dieu, tini ferme ce qui to fine recevoir par la foi et l’amour qui dans Jésus Christ, à cause ce qui Apôtre Paul fine affirme dans 2ème épître à Timothee 1:12; “. . . Car mo conné dans ce qui mo fine croire et mo persuadé qui li ena la puissance pou garde mo dépôt jusqu’à sa jour-là “Edifié-toi par to la foi sainte, prié par l’Esprit Saint, tini-toi dans l’amour Bon Dieu et guette Jésus Christ, simé, la vérité ek la vie, Li nous Seigneur qui pou rétourne bientôt. Cherche sé qui pou li — “Le Roi banne les Rois, Seigneur banne Seigneurs.”

“Or, pou celui qui capave préserve ou de tous banne chute, et faire ou paraître divant so gloire irrépréhensibles et dans allégresse, à Bon Dieu tout seul, nous Sauveur par Jésus Christ, nous Seigneur reste: gloire, majesté force et puissance, jusqu’à avant tous les temps et astère-la, et dans tous banne siècles, Amen.” (Jude 24, 25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)